

A S'IMPUDDILE

Canticos de puddos
sonos de marteddos
si pesan dae sa loza
a s'impuddile.
Ch'ischidan sa zente.
Sun loricas
pro jungher sas soccas
sun ferros
pro ferrare
boes e cabaddos
chi tuccan a su sartu.
Sun rodas de carros.
Sos mannos
e prima 'e issos
sos gherreris
leppas e istoccos
s'ammaniaban
contr'a sos ribales.
Feros de pache.
Feros de gherra.

ALL'ALBA

Canti di galli / batter di martelli / si levano da una loggia / all'alba. / Svegliano la gente. / Sono anelli / per congiungere le soghe / sono ferri / per ferrare / buoi e cavalli / che partono verso la campagna. / Sono ruote di carri. / I nostri vecchi / e prima d'essi / i guerrieri / coltelli e spade / preparavano / contro i nemici. / Ferri di pace. / Ferri di guerra.